

Xh 191.







7  
Ra 478

DE OCCULTA PHIL-  
LOSOPHIA.

Oder



U~~nder~~ der heim-  
lichen Wundergeburt der sie-  
ben Planeten und Metallen / Fra-  
tris Basilij Valentini, Benedictes Dr.  
dens / neben einer Taffel der ganzen  
Philosophischen Weis-  
heit.

Jetzo zum andern mal in Dru~~c~~  
verfertiget /

Dutch


Johan. Thölden, Hessem.



Im verlag Jacob Apelo / im Jahr 1611.

Handwritten text in a Gothic script, appearing as bleed-through from the reverse side of the page. The text is mostly illegible due to fading and bleed-through.

Handwritten text in a Gothic script, appearing as bleed-through from the reverse side of the page. The text is mostly illegible due to fading and bleed-through.



Handwritten text in a Gothic script, appearing as bleed-through from the reverse side of the page. The text is mostly illegible due to fading and bleed-through.

Fragment of handwritten text from the adjacent page, visible on the right edge. The text is in a Gothic script and includes words like 'ge', 'la', 'be', 'bo', 'fa', 'lic', 'vo', 'be', 'la', 'ste', 'al', 'ch', 'de'.



Dem Ehrwürdi-  
gen / Ehrenvesten / vnd Wolge-  
larten / Herrn Georg Schwalben-  
berg / des Thümstifts zu S. Peter zu  
Frislar in Hessen Cantori vnd Canonico,  
meinem großhüftigen Herrn vnd  
Freund.

Ehrwürdiaer / Ehrenhes-  
ter vnd Wolgefahrtel /  
Großhüftiger Herr vnd  
Freund / Es haben die Ah-  
ten vor vnserzeit geschrie-  
ben / daß man verstandigen vnd vieler-  
fahrnē Männern / so deutliche eigene-  
liche erklerung vnd Anzeigung nicht  
vorgeben / noch zu lernen auffschrei-  
ben darff / die solches ohne das durch  
langwürige experientz / mühe vnd Kos-  
ten vielfaltig erlernēt vnd ergründet  
als denjenigen / so noch in keiner Sa-  
che geübet noch erfahren / viel weniger  
dem meisten theil kundbar.

Wann ich darn einen Tractatum

A h von


von dem grossen feim der Vhralten/  
 Fratrīs Basilij Valentini, Benedicteſ Dr̄  
 dens/auff vieler güter vñ vornehmer  
 Leute begehren in Druck befördert/  
 welches Churfürſilicher Gnaden zu  
 Brandenburgt/sampt dero hochlöb-  
 lichem vielgeliebten Gemahl ich vñ  
 tertbenigſt in ſchutz offeriret vñnd des  
 diareet/vñnd dann außserhalb deſſen  
 darbey noch ein ſonderlich Libell be-  
 funden worden/ De occulta Philoſo-  
 phia: oder von der Wundergeburt der  
 ſieben Planeten/ nach Philoſophi-  
 ſcher vñnd Poetiſcher art vorgeſchrie-  
 ben/Ich abermällich angelange t/diſſ  
 Kurtze Libell gleicher geſtalt ans Liecht  
 zu befördern Wann ich dann ſolchen  
 guten Leuten zu willfahren/ auffanz  
 halten mich endlich bewegen laſſen/  
 vñnd dann L.L. ohn anhörendes  
 ruhms/nicht allein alle Philoſophi-  
 ſche Künſte durch langwirige Expe-  
 rientz/Koſten vñnd Mühe/trefflich be-  
 fördert/ſondern vnter die zal der Phi-  
 loſophen/ſo aus dem grunde der na-  
 tur das ihrige zu defendiren wiſſen/  
 ſelbſten



selbsten mögen gezalt werden. Als  
 habe ich nicht vnterlassen wollen/die-  
 ses kurtze Büchlein L. L. als einem/  
 der in dem mehr mit verstand/als ein  
 gemeiner/dem solche secreta verbor-  
 gen/zuschreiben/vnd vnter derselben  
 Nahmen publiciren wollen/der zu  
 versicht/L. L. werden solches zum  
 besten vermercken/vnnd wolmeinend  
 von mir auff vnd annehmen/mit an-  
 geh effter Bitt gegen jederman/sie  
 wollen dieses kleine Liebell also mit  
 vnterscheid vnd Verstand lesen/vnnd  
 dermassen in acht nehmen/damit kei-  
 ne Superstitiones mit vntergemenget/  
 noch auff einen andern vnziemlichen  
 Verstand möge gezogen werden/dies-  
 se Gleichnits vnd Poetische Gedichte  
 mit der Natur conferiren/nichts  
 frembdes darein zwingen/Sondern  
 nach Philosophischer Art allein  
 schlecht vnd einfeltig verstehen/vnnd  
 ein Poetische Speculation seyn vnnd  
 bleiben lassen. Ferner Urtheil hiez  
 auff wil ich L. L. als einem mehrver-  
 stendigen zu judiciren/anheim gestalt  
 A iij haben.

haben. Befehl E. E. hiemit in den  
Schutz des Nöchste 1 zu langwinger  
Gesundheit. Geben zu Franckens  
hausen/den 20. August. im Jahr 1602.

Johan. Thöldæ.



Rur

P  
Fr  
a  
U  
E  
nes  
tall  
ant  
der  
ein  
der  
val  
spie  
auf  
nac  
wer  
me  
De  
du  
the  
lig  
Di



# Kurtze Vorrede /

Fr. BASILII VALENTINI

auff die heimliche Wundergeburtt  
der sieben Planeten vnd Metallen,

**W**Ich habe mir zwar vorge-  
nommen zu beschreiben nach Got-  
tes ordnung der Philosophia vnd  
Kunst der waren Cabala einse-  
lig nach geringem Verstande mei-  
nes Gemüths/wie die sieben Planeten vnd Me-  
tallen anfänglich sind geboren worden/wie sonst  
andere Poeten für mir auch gethan / Aber nicht  
der meinung/dasselbe zu deuten auff zaubern/vnd  
einen Gottlosen vn Christlichen Verstand / Son-  
dern zu dem Ende/das Weißheit vber Weißheit/  
vnd weltlicher verstände sich darinnen zuersehen/  
spiegeln vnd scherffen möchte/etwas zu lernen vnd  
auszugründen/durch die Speculation vnd ihre  
nachforschung / damit möchte offenbar gemache  
werden/das die Welt zuvor nicht in acht genom-  
men / oder ganz vnd gar nicht verstanden hatte.  
Damit ich aber einen anfang des Wercks mache/  
durch diese Vorrede/das ander ist in Capita abge-  
theilet worden/So saget vnser Erlöser vnd Sel-  
igmacher Christus selbst im 6. Capitel Johannis/  
Die Wort/die ich rede/sind Geist. Item / Das  
Fleisch

Fleisch ist kein nütze/etc. Vnd ferner / Der Geist  
ists/der da lebendig machet/ Daraus folget/ daß  
der Geist das Leben ist/vnd nicht das Corpus, die-  
weil das Corpus nur ist die Form vnd Wohnung/  
darinn das Leben wohnen kan.

Ich sage ferner also/daß drey ding sind / die  
ein vollkommenes geboren haben / das ist / Seel/  
Geist/vnd Leib/die Seele ist Geistlich / der Geist  
ist für vnd in sich selbst Geistlich / vnd das Corpus  
nuß auch Geistlich werden/ so anders ein Geistle-  
ches rechtliches Leben folgen sol/was vber dieses  
ein grober Leib / vnd sich erzeiget außgerheilet/das  
ist die Form/darinnen diese drey Geister sich er-  
weisen können/daß sie lebendig sind/wie am Ende  
die Taffel der Philosophia wird bezeugen. Vnd  
dieses ist war vnd gänzlich war/daß kein Geist re-  
gieren noch herrschen kan in andern/weil er noch  
beschlessen/vnd gefangen ligt in seinem zugeordne-  
ten Leibe / So bald er aber entbunden wird der  
Bürde/bekömpt er macht vnd Gewalt weiter zu  
dienen/vnd das jenige zu verrichten / was seinem  
Ampt aufferleget vnd befohlen worden / welches  
kein rechter Philosophus entsprechen wird.

So wil ich auch nu weiter warsagen / Weil  
alles der Geist aufrichten muß/dann die Schöpf-  
fung geschach aller dinge allein aus dem Geist  
Gottes des HERRN/Himmel vnd Erden/sichtbar  
vnd unsichtbar/dann ohne seinen Geist geschach  
nichts / der er außbließ auß seinem Göttlichen  
Munde/da wurden auch hernacher geschaffen ab-  
lerley

ierlen Thiere/wachsende Früchte vnd Metallen/  
samt dem Gestirne vnd Firmament / welche  
Schöpfung der lebendige Geist Gottes des  
Schöpfers herfür brachte in ein Form / Leben  
vnd Wirkung der Tugend.

Also hab ich nun die Ankunfft vnd Geburt der  
sieben Planeten vnd Metallen einfeltig fürgesiel-  
let/nach ihrem wesen vnd herkommen/wie andere  
der Eltesten auch gethan/doch nicht hoch verbor-  
gen/sondern simpliciter, ob jemand zu finden/der  
Bemerkung ihrer nutzbarkeit erlernen möchte.  
Denn aus diesem kurzen gebicht ist zu lernen/viel  
Weisheit vnd Verstand/der Grund des Funda-  
ments liegt Parabelsweise hierinnen begraben/  
vnd das Licht der ganzen erkenntnis zur Gesund-  
heit vnd langem Leben/vnd Reichthumb/stehet  
hierinnen in diesem Buch beschrieben / viel wer-  
dens aber halten für vnweis / der mehrer theil a-  
ber für Thorheit genzlich / Aber doch werden sich  
die wenigsten finden / denen Gott verliehen hat  
Verstand/Weisheit vnd Kunst/das sie Überwin-  
der darauß werden aller ihrer Feind. Ob ich auch  
wol keine ordnung hierinnen nach der gewissen zal  
halte wie andere in nachfolgenden Planeten/wie  
solche von ihnen gesagt werden/so laß dichs nicht  
irrig machen/Dann ich folge meinen wegen / vnd  
ist ohn vrsach (so wichtig sind) nicht geschehen.  
Der Gnadenthron Gottes des Schöpfers / sey  
offen allen Busfertigen/mit wahrer Reue zu der  
ewigen Seligkeit/Amen.

A

Das

Das Erste Capitel.

# Wie Mercurius ist geboren worden.

**W**ie mein Alter nahet sich  
zum Ende / das ich fast die  
Welt durchzogen war / vnd  
alle ender ringsherumb durch-  
wandert hatte / vnd gedachte Ruhe vnd  
Friede ohne zamel zu besitzen / da fiel mein  
Weg durch Egypten / das sehr fruchtbar  
ist / vnd trefflich Goldreiche Wasser durch-  
firichen / hatte ich viel anliegen / zu betrach-  
ten der Wels Heimligkeit / vnd disputirte  
mit mir selbst / da thet sich der Nilus auff /  
vnd gieng heraus ein grausamer vnüber-  
windlicher Wind / der machte grosse Bul-  
gen / am Gestade vnd Vort des Wassers /  
vnd warff heraus an das Land ein mechti-  
ge Schlange / die nante sich selbst Orca-  
des / die thet ihren rachen weit auff / da blies  
der Wind ein fewrigen dampff vnd rauch  
aus

aus ihrem Rachen / den sie weit auffgesperret  
 hatte / vnd die Schlange war geneigt /  
 mich zu verschlingen / Aber ich bat Gott /  
 daß ich entrann / vnd verberg mich eilend  
 für der Schlangen auff einem Felsen / der  
 sich hoch auffsetzt in die Luft / Da begega-  
 net mir ein wunderbarer Mann / hieß  
 Oedipus, der ein Warsager seyn solte aller  
 verborgenen Geheimniß / der hatte einen  
 Diener hieß Tiriel, der lehrete den Oedi-  
 pum / den Auflöser der Geheimnisse sei-  
 nen Herren / wie er die Schlange zähmen /  
 vnd in seine Gewalt bringen solte / daß sie  
 ihm unterthan seyn müste / da fiel Oedipus  
 nieder sampt seinem Diener / vnd beeten  
 an inniglich den Vulcanum / der ein Gott  
 war des Feuers / daß die Schlange durchs  
 Feuer möchte verzehret werden / Welcher  
 bitte sie Vulcanus gewehrte / vnd es ge-  
 schach / daß ein brausen vom Himmel kam /  
 mit Donnern / Blitzen vnd Wetterleuch-  
 ten / vnd erschienen viel Figuren vnd bild-  
 nis am Himmel / vnd sonderlich fund am  
 Firmament / ein klarer heller Regenbogen  
 vielstunden / von mancherley natürlichen  
 Farben / die nicht alle zu behalten waren /  
 vnd

vnnnd die Winde giengen sehr starck / das  
 sich alle Elementa bewegen mussten / dar-  
 ob die Wasserschlange mechtig entse-  
 hend ward / vnnnd wie die Wasserschlange  
 ihren Rachen weit auffsperrte / strich ihr  
 der Wind so gewaltig in den Rachen / das  
 die Schlange für todt ersticken musste / vnd  
 wie kein Leben an der Schlange mehr ge-  
 spüret war / weil ihr Leben aus dem Chaos  
 gieng / da kamen vier Engel herab aus der  
 Region des Höchsten / vnd hießen / Uriel,  
 Gabriel, Michael, Raphael, die hatten  
 drey Diener / hießen / Zapkiel, Zadkiel,  
 Camael, die da stetig sind für dem Anges-  
 sichts des H & E & X / vnnnd rissen einem  
 von obherab aus der Höhe / der nante sich  
 Lux mundi, nach Lateinischer Sprache /  
 dem stalten sie zu die erstickte Schlange /  
 die konte er nicht genugsam erwärme / das  
 sie lebendig worden were / Aber es war ein  
 Arabischer Prophet / der nante sich Titan,  
 der warff die todtie Schlange in das Lieche  
 der Welt / vnnnd das Lieche verbrandte die  
 Schlange zu Aschen / die Asche nam man  
 auff für Heiligthumb / vnd opfferte sie auff  
 dem Altar / den Lucificus zu seinem Bez  
 ¶ gräb



gräbnis erbawet / vnd in der Kirchen Pro-  
 terpina im Morgenlande auffgerichtet  
 hatte / da kam ein Geist / hieß Adad, der  
 bließ auff die Asche mit gewalt / mitten im  
 Tempel / da der Altar stund des Opfers /  
 vnd der Athem war sehr warm / so bald re-  
 gete sich die Aschen wider / vnd ward ein  
 lebendig Thier draus / darob sich viel ho-  
 he Leute verwunderten / viel Federn hatte  
 es an Arm vnd Beinen / der Kopff war  
 auch mit Federn gezieret / vnd zwo mecht-  
 tige schlangen hatten seinen Leib umbfan-  
 gen bis oben aus / die Füße waren mit  
 Schlangen umgeben / die Fittige hien-  
 gen an seinen Beinen / vñ alles Landvolck /  
 vnd die Inwohner verwunderten sich ob  
 dem Thier / vnd niemand wuste ihm einen  
 Nahmen zugeben. Da geschach schnell ein  
 Blitzen von oben herab / vnd rieß eine hel-  
 le vorstendliche Stimme darein / Ihr solt  
 euch nit verwundern wie das Thier heis-  
 sen soll / Ich bin ein schnelle Botschafft /  
 euch zu verkündigen die newe mehr / vnd  
 mich heisset Steilbon, ein Both abgefere-  
 tigtet aus dem Höchsten / zu verkündigen  
 den Namen des Thiers vnd seiner Natur /  
 die

die da wird seyn von Gott in die welt/ von  
 dem Himlischen in das Syderische/ von  
 dem Syderischen in das Elementisch/ vñ  
 von dem Elementischen in das Irdische/  
 das ist nun jeso die begreiffliche Welt/ vñd  
 was aus mir geboren worden/ das ist ein  
 liegendes wesen/ so in aller Sprach der  
 Welt für ein Gott gehalten wird/ vñd  
 heisset dieses Thier Mercurius, ein schnelle-  
 ler Boch/ dadurch alle heimliche Brieff  
 ganz behend könn zu recht gebracht wer-  
 den. Wie dieses alles ergangen ward/ gab  
 sich Himmel vñd Erden von einander/  
 vñd die Elementa fügten sich wieder zu-  
 sammen/ damit die Wohnung der Pflanz-  
 ung nicht zerstöret ward/ vñd Mercurius  
 war nu ein beweglicher Geist/ sichtbar vñd  
 vn sichtbar/ greifflich vñd vngreifflich/ vñd  
 vermochte alles zuthun/ was andern vn-  
 möglich/ Aber er machte Freundschaft/  
 vñd liebte sich wunderbarlich mit andern/  
 Also hatten die Elementa Mercurium ge-  
 fochet/ in Form gebracht/ vñd zu einem  
 greifflichen wesen gemacht. Dieser Mer-  
 curius ward genant in seiner Lauffe ein  
 Hermaphrodit, that sich vñd/ vñd be-  
 ward

warb sich umb weitere Vuleren zu seinem  
Glücke/ vnd gab Anleitung/ andern Göt-  
tern ein heyl zu ersagen/ zu gut ihren nach-  
kommenden/ denn dieser Hermaphrodit  
musste nachgeben den Göttern/ vnd das  
Glück andern weiter befehlen/ dieweil sei-  
ne Regierung durch den ersten Anfang ein  
Ende genommen hatten/ vnd alle/ so dem  
Mercurio beförderlich gewesen waren/  
verschwunden Angesichts/ dann seine ge-  
burt war volbracht/ vnd durch den ersten  
Tag erfüllet worden.

Das ander Capitel.

Von der Geburt Saturni.

**E**swohnete eine Göttin des Glücks  
Nach Mitternacht/ in dem sehr hoch-  
gelegenen kalten Gebirge/ bey der Insel  
Dahl, die hieß Velta, die hatte Mercuri-  
um zum Vater/ vnd einen Gott zum  
Manne genommen/ der hieß Coelus, diese  
beyde hatten niemands umb sich/ dann sie  
waren alleine/ sie ritten jagen/ vnd assen  
die Wurzeln des Erdreichs/ damit sie ih-  
ren Leib für Hunger ernehren möchten/  
168

ihr getranck war sehr schlecht/vnd wañ sie  
 franck wurden / so flos ein sawerbrunnen  
 mitten in einem gewildniß durch ein war-  
 mes steinicht Gebirge herfür/der führt mit  
 sich Arzney / dadurch sie kond en gesund  
 werden / die Kleidung an ihnen war sehr  
 geringe/vnnd nicht feste zusammen gewi-  
 bet/darumb sie vor Frost vielmalß großen  
 anstos vnd Gebrechen erleiden mußten/ob  
 sie gleich irrdische Götter waren. Vnd es  
 trug sich zu/daß Coelus ein mal spazieren  
 gieng/da das Wetter schön klar vnd helle  
 war/vnd es war im Lenzen / daß man ver-  
 mercken mochte/wie die fruchtbarn Bewe-  
 me außschlagen wolten/da kam der Abend  
 herbey / da Coelus müde war / dann der  
 Himmel ward mit einer schönen Az-  
 bendröthe bekleidet. Wie sich nun Coelus  
 zu Ruhe begab/vnter den Law des Him-  
 mels / lag er auff der Erden/daß ihn die  
 warme Luft vberstreichen könte/da berieff  
 er die Göttin Vestæ sein Weib/daß sie sich  
 entblößen/vnnd zu ihm legen mußte/das  
 werck der Liebe zu pflegt/da ward die Göt-  
 tin schwanger von Coelo ihrem Manne/  
 vnnd wie sie die Geburt bey sich tregt / da  
 ward

ward sie gelüffern einer süßen Speise/  
welche doch nicht wol zu bekommen war  
zu derselbigen zeit/vnd Coelus ihr Mann  
wusste nicht / wie er ihm thun solte / Was  
geschach aber/es gieng Coelus abermalich  
aus/sich zu ergenhen/vnd nach dem Wilde  
sich vmb zu thun / vnd führet die Göttin  
ganz bloß bey ihrer Hand/ da that sich ein  
sehr hoher runder Berg auff/ glitzende/  
wie ein schöner Edelgestein / vnd wie ein  
Spiegel / der da Feuer von sich giebet /  
vnd floss Honig vnd Milch darauß / vnd  
sihe/es kam ein vngewer / sehr grewli-  
cher alter vnd heftlicher gestalt zu den Göt-  
tern / vnd sprach sie an mit scharffen wor-  
ten/Was sie in ihrem Gemüth zuwolbrin-  
gen willens weren/das wüßte er wol / vnd  
nam von dieser Milch vnd Honige/so aus  
dem Berge kommen war / vnd sprach zu  
ihnen: Mich heißt Faunus, vnd bin älter  
dann ihr / darumb weiß ich auch mehr daß  
ihr beyde/folget mir aber nach / vnd gehet  
chet meiner Stimme / was ich euch ver-  
fündigen werd / Allein niemand rede mir  
ein / es kostet sonst ewer beyder Leben/  
daß ihr forthim zu ewigen zeiten keine Göt-  
ter

ter mehr seyn werdet / da schwiegen sie  
 beyde/darrieff er zu drey malen: Das steche  
 der Weisheit sey mit mir vnd Eurimone,  
 da kam ein grosser Wind/darifi slog ganz  
 behend vnd schnell ein Manns Person /  
 der war ein Diener des Ungehewers /  
 trug in einer Hand zweene harte Steine /  
 vnd in der andern Hand eine Fackel/schlug  
 die Steine zusammen / das lauter Feuer  
 heraus gieng / darcin bliess er mit seinem  
 scharffen Athem/das das Feuer ein lohen  
 gab/vnd die Fackel anzunden kondte/Wie  
 diß geschehen war/machten diese das Feu-  
 er immer grösser / vnd bliesen frisch zu /  
 fasten einen Topff von Glas gemacht / zu  
 dem Feuer / vnd kochten die Milch vnd  
 das Honig / vnd braweten rothen Wein  
 darauff/der war so süsse/das ihm nichts zu  
 vergleichen war / damit speiseten sie die  
 Göttin Veltæ, hielten sie warm vnd wol  
 zugedeckt bis zu ihrer Geburt / ihren Leib  
 zu rings herumb salbeten sie mit Meer-  
 zwiebelsaffe/so mit essig bereitet war / vnd  
 fasten Coelo einen Kranz auff/von vielen  
 Farben / den er der Göttin zu ehren trug.  
 Vnd wie die Göttin Veltæ die Speise  
 ver

versuchte/konnte sie sich kaum genugsam  
 ersättigen/denn sie war sehr annehmlich/  
 Bland der Koch Faunus lud einen Gast  
 noch zu der Speise den nannte er Serpen-  
 tiger, der mußte das Nachtessen mit verz-  
 ehren/vnd wie sie am besten in Fröligkeit  
 lebeten/vnd ein groß Seitenspiel in der  
 Luft gehört hatten/da kam die Veltæ ein  
 Wehe an/das ihre Geburt zu Tage ephite/  
 aber weil niemand da war/der sich ihrer in  
 der not von Herzen anam/lieh sich Serpen-  
 tiger gebrauchen/des lohnet ihm die Ve-  
 ltæ trewlichen/sie wolte ihn nicht wider  
 wandern lassen/sondern begabet ihn reich-  
 lichen mit guten Geschenken/schenckt ih-  
 me ein Silberstück zur Kleidung/das sie  
 zuvor selbst niemals getragen/Dud wie  
 das Kind offenbar ward/so war es ein  
 schwarzer Wurm/Diesen Wurm rieß  
 geschwind ein flüchtiger Geist/der war  
 ganz fernerend in ein Ohr/da verwandelte  
 sich der Wurm in eine andere Gestalt.  
 Faunus aber ward von Cælo gebeter/das  
 er das Kind zur Tauffe tragen mußte/wel-  
 ches sein eigener Diener mit Wasser be-  
 goß/vnd das Kind ward Saturnus genant/  
 B ij wel

welcher Name durch die ganze Welt auß-  
geruffen ward / Vnd es ward dem Kinde  
eine Wärterin zugegeben / die seiner pfle-  
gen solte / die hieß Plejades, die that ihren  
sachen kein genüge / sondern verwarloset  
das Kind mit vnrechter Speise vnd Tran-  
cke / daß sie es nicht recht auffbringen kon-  
te / denn es war ganz böse / zornig vnd nei-  
disch / durch vieles Leid / so ihm zugefüget  
ward / ward auch an einem Beine lahm  
vnd vntüchtig / daß man ihm ein Stelzen  
anlegen muste / damit man das hinken so  
eigentlich nicht erkennen solte / was ihm ab-  
ber im grunde abbrach / das nam er in der  
höhe / als im Häupte zu / daß in seinem Ges-  
hirn ward er gelehrig / verständig / weise /  
flug vnd vorsichtig / daß er auch im Kriege  
meistens theils alle Feinde überwinden kon-  
te / biß auff zweene Herren der Welt / die ih-  
me an Reichthumb / Gewalt / Herrligkeit  
vnd Macht vberlegen waren / dieweil im  
Mutterleibe / vnd hernacher viel an ihm  
versehen vnd verwarloset war / daß er sich  
nicht gänzlich rechnen konden. Also ward  
Saturnus geboren vnd zur Welt gebracht /  
der hernacher viel gelehrter Leute gemache  
hat /



hat / Wie Saturnus nu anfieng selbst zu  
regieren / so verlohr sich Faunus vnd sein  
Gesell / vnd Coelus mit der Vestæ flogen  
zusampt in die oberste Region der Luft /  
Vnd hatte der ander Tag ein Ende.

Das dritte Capitel.

Wie Jupiter geboren worden.

**W**ie Saturnus allein in der gan-  
zen Welt irre gieng / vnd sich an  
keinem zuergen noch zuersremen  
hatte / nam er ihm für / eine Dulschafft zu  
erwehlen / wie er auch sich ersättigen / vnd  
etwa an seines gleichen zu ersremen haben  
möchte / Vnd wie der dritte Tag anbrach /  
der Weisheit vnd des Verstandes / lag  
Saturnus auff einem Reissbette / streckte sei-  
ne Seelken in die Höhe / vnd schlug sich  
mit Gedancken. Da fand sich ein Engel  
zu ihm / hieß Cherus, der bracht eine schö-  
ne Jungfraw an der Hand / die nannte Er  
Opis, war des Saturni leibliche Schwester /  
vom Vater vnd Mutter geboren / allein  
nach dem Saturno war sie in der Luft ent-  
pfangen worden / denn es solte ein Königs-  
lich Geschlecht aus ihr herkommen / Wie

Saturnus den Engel sahe / stund er von seinem  
 Bett auff mit der felsamen Stelken /  
 thet ein Aenerens gegen dem Enael / vnd  
 entzündet sich selbst in inniglich in Liebe  
 gegen seiner Schwester / die er doch nicht  
 kande / vnd auch nicht wol in ocht name /  
 dieweil aber die Begierde sehr groß war /  
 seinen Menschlichen willen / nach Lust der  
 Natur zuveranlügen / wuste er nicht / wie  
 ihm geschach / die grosse Weisheit seiner  
 grawen Maar / entsanck ihm gänglich / der  
 weisse Kopff kam in Boverstarck / also daß  
 er mehr einem Besinnigen / denn einem  
 Verständigen ehlich war / da kam ein  
 Liecht vom Himmel mit einem grossen  
 Glantz / das war beschloffen in eine runde  
 durchscheinende Kugel / das londe sehr  
 wol vnd mit bescheidenheit reder / steng an  
 vnd sprach, o Saturne, der du scho der klüg-  
 ste dich dänckest zu seyn in der Welt / Ich  
 bin geschickt vom Höhesten dir zuvermah-  
 len die Liebste / welche Opis genant wird /  
 vnd deine allerliebste Schwester ist / wel-  
 che dir nun zu deinem Herken Gem. hül sol  
 vertramet werden / O wolte Gott / sprach  
 Saturnus, daß du scho wahr redest / damit  
 ich

ich aus Bekümmerniß kommen möchte /  
 das wolte ich dir wol vergelten / es weren  
 de n keine Götter mehr auff Erden / da  
 mußte Saturnus seine Hand darreichen /  
 vnd Opis auch / vnd also bald erschein eine  
 Jungfraw / die war von dem Königlichen  
 Hofe vnd Geblüt des Königes von Ori-  
 ent / vnd leitete einen alten Priester an der  
 Hand in Geistlicher Kleidung / der trug in  
 einer Hand ein Buch / vnd in der andern ei-  
 nen Königlichen Scepter / den stalte er  
 dem Saturno freundlich zu / mit gutthätig-  
 gen Worten / vnd da es ihr beyder wille  
 war / gab er sie in aller Freundligkeit zu-  
 sammen / vnd vermählet sie / vnd befahlt im  
 den Scepter / welcher mit Silber vnd  
 Gold vberzogen war / vnd Propheceye  
 ihnen beyden / daß sie einen Sohn gebären  
 würden in kurzer zeit / dem solten sie den  
 Scepter anstellen / denn er würde ein gut-  
 thätiger Mensch werden / gegen alle seine  
 Feinde / wie auch geschach / vnd der erst an-  
 sacher werden zu herrschen / vnd zu besitzen  
 Königliche Würde / vnd ohne Schwerde  
 regieren / Wie diese Rede geschach / da war  
 es sehr warm Wetter / vnd der Priester ver-

B iij

sprach

sprach sie ehelich zu sammen / vnd es stieg  
 aus der Tieffe des Erdreichs ein sehr war-  
 mer Nebel vom Nidergang nach Morgen-  
 land / das die Welt damit erfüllt ward /  
 der hieng sich oben an / das ein grosser Re-  
 gen fiel auff das Erdreich / der verschwand  
 vnd ward wider / vnd die Stralen der  
 Sonnen trockneten leichtlich die Feuch-  
 tigkeit gar aus / wie das geschach / das das  
 Kind in Mutterleibe keine Feuchtigkeit  
 mehr empfand / vnd begund Hunger zu  
 leiden / gieng die Frucht zum Ende / denn  
 die Welt hegerete sich zu mehren / vnd der  
 dritte Tag der Weisheit war vorüber / vñ  
 man fand auff einem Berge vorzeiten ein  
 sehr hohes vnd altes Schloß / mit Steine  
 zierlich zugerichtet / darinnen war ein Buch  
 gefunden worden / sehr tieff vnter der Er-  
 den / darinnen geschrieben war / das von  
 dem Saturno ein Scepter solte verlassen  
 werden / auff seine Kindes Kind vnd alle  
 Nachkommen / doch solte zuvor Saturnus  
 durch grosse Kälte / vnd denn durch grosse  
 Hitze darnach viel Anstoss erleiden / welche  
 Prophecey erstlich hat müssen erfüllt wer-  
 den / denn die Geister der Hellen sind Weis-  
 ser /

ster/das sie Kälte vnd Hitze machen kön-  
 nen. Leblich/nu legte sich Opis nieder auff  
 einen Berg hieß Abba, da viel salzige  
 Brunnen waren / vnd ihr Mann Satur-  
 nus beruffte ihr zum Beystand ein Weibs-  
 bild/hies Hismael, war aus einem Lande  
 bürtig/da der Berg Ararat in ligt/da sich  
 die Archa des HErrn auff niederließ / so er  
 durch Noah hat auffbawen lassen/die war  
 ihm beyständig in ihrer Geburtsnot/ Bñ  
 Opis stieß an eine Anmachte nach der an-  
 dern / das sie ihr Mann Saturnus stetig an-  
 gieffen mussto mit Sterckwasser/ die da ge-  
 macht waren/von starcken geistreichen sa-  
 chen / von der Königen Alma, aus dem  
 Kraut Jah, so stercker war denn kein Dwy  
 auff der Welt/da empfand die Opis sterck/  
 vnd durch Krafft gebar sie den Sohn Jo-  
 vem, der ein Warsager warddes Gestirne/  
 vnd machte viel verborgene Sachen of-  
 fenbar/Er war ein Gott genandt/er chrete  
 Fraw vnd Jungfrawen/vnd war ein gützi-  
 ger / friedfertiger König in dieser Welt/  
 Gab auch/wie er zu Verstand kam/vnnd  
 im Alter zu nam / allen Reichthumb / vnd  
 begabte sie mit Gütern / das sie ihm ewig  
 müssen

müssen danck sagen/vn̄ sein Scepter füret  
er mit Ehr̄ vnd Würden/vnd theilte sei-  
ne Gaben aus gutthätig gegen jederman.

Das vierdte Capitel.

Wie Mars vnd Venus als Zwil-  
linge ihre Geburt erlanget haben.

**W**ie die Erdenoch nicht bewo-  
net/vnnd der Geist Gottes seine  
Schöpfung vollbracht hatte / Da ka-  
men zusammen von den vier ortern der  
Welt vier geistliche Männer / die da mit  
Nahmen hießen Cherub / Tharsis / Ariel  
vnd Seruph / die hatten durchsichtige klei-  
der / angemacht aus dem Engelischen Ges-  
wand / nicht gewircket / auch nicht genehet  
noch gewebet / sondern von Natur zusam-  
men ganz gewachsen / die hatten vier Bü-  
cher / darinnen stund geschrieben die Weis-  
heit aller Weißheit der Welt / vnd waren  
sieben Wörter / Tetragramaton, Jachphi-  
el, Barzabel, Elaoh, Serephim, Taph-  
thartharath, Scedparsemoth, Davon dis-  
putirten diese Männer / von der rechten  
waren meinung dieser Wörter / vnnd sie  
funden so viel / daß dis nur ein einiges  
Wort war / vnd hieß Soac, denn die an

dern waren alle von diesem lebendig worden. Da beschloffen die vier Weisen einen Rath / daß sie die vier Winde der Welt für sich bescheiden wolten / ihren Rath mit anzuhören / vber die Schriffte / daraus ein gezanck möchte vermieden bleiben. Da erschein ein geschwinder Engel vom Himmel / der hieß Din, der hieß sie alle stillschweigen / vnnnd erbote sich in das Firmament zu fliegen / vnnnd ein Bruchstück auß dem Gestirn zu holen / vnnnd seine Geschwindigkeit war schneller denn der Wind vnnnd behender denn der Menschen Gedanken sind / vnd er fuhr auff in die Höhe / vnd kam für ein Haus / das war auffgebawet / allenthalben durchsichtig / Vnnnd wolt mans ansach / da war es an einem Ort wie am andern / der Grund des Hauses stund auff grossen Flügeln / die schwebeten in der Luft auff einer runden Kugel / das Dach war mit Wolcken bedackt / vnd die Fenster von Feuerstralen zugericht / wie nun der Engel anklopffet mit einem stabe / der von woltechem Holz rund aufgedrehet war / So kömpt ein sitzamer Mensch allein heraus / vnd fragete den Engel Din / von was Geschlechts er were. Vnd er ant-

wortet ihm: Ich bin von den zwölff Ges-  
 schlechten / Malchidael, Asmodel, Am-  
 briel, Muriel, Verchiel, Hamaliel, Zu-  
 riel, Barchiel, Adnachiell, Hanael, Ham-  
 biel, Bariel, Vnd er nam ihn bey der  
 Hand / vnd küßet ihn / denn er war auch aus  
 diesen Geschlechtē / vnd er sagte zu dem Erz-  
 gel: Dieser Häuser sind sieben / aber ich be-  
 wohne nur eines / denn die andern gehören  
 meinen Gesellen / ich wil aber mit dir ein  
 wenig redē von der warheit / damit du den  
 Männern / so dich ausgeschiedt / Botschafft  
 zu rück bringe kanst / Ich bin Jupiter, ein  
 Gott / vnd habe nicht lange gelebet in der  
 Welt / vnd die sieben Wörter / vnd das ei-  
 nige Wort / die haben mich auff die Welt  
 bracht / vnd saget den Männern / das ich  
 jehodie Göttin Juno gedencke zu einem  
 Weibe zu haben / damit ich nicht allein im  
 Obergestirn herrschen möge / vnd Erben  
 erwecken kan / zu gesellen / damit die sieben  
 Wohnungen nicht außsterben / vnd das  
 sie mir meine Braut zuführen wollen /  
 vnd Glück wünschē zu ewigem Heil vnd  
 Wolfarth / vnd mir zweiffelt nicht / wenn  
 ich die zwölff geschlechter meiner geschlechter  
 auff



auffzeichnen werde / so werden meine Erben die sieben Bürge wol besitzen / durch Hülffe vnd Rath der vier Männer / vnd das ist die Offenbarung des Worts vnd der sieben Wörter. Vnd als bald zog Jupiter sein Gewand aus / vnd flohe mit dem Engel zu der Erden / vnd ihre fliehende Zukunft kondte man von ferne sehen durch die Luste. Wie nun Jupiter mit dem Engel die Erden berühret / ward ihm als bald ein zierlich Zimmer eingethan / das hießen sie Anasa, da ein gieng Jupiter alleine / vñ hatte keinen Diener / denn der Engel war Thorhüter / vnd verwahret das Zimmer / für der Thür / darinnen bleib Jupiter einen ganzen Monat allein / doch ward dem Hütter die Zeit nicht lang. Wie nun der Monat zum Ende lieff / rieß Jupiter dem Engel zu / er solte drey himlische Posaunen nemen / vnd ein Horn in die Hand / vnd solte erstlich in das Horn blasen / auffrichtig nach dem Himmel / vnd darnach in die Posaunē auch blasen nach den vier Hauptwinden der Welt zu dreyen mahlen / vnd darnach ruffen mit heller Stimme: Die Hand des Herrn hat mich anfanglich

lich gemacht/ Der Herr Zebaoth sey  
 mit mir. Wie das geschach/ sihe da ka-  
 men die vier Männer Cherub, Iharis,  
 Ariel vnd Seruph, vnd giengen nach dem  
 Gemach/da Jupiter innen war / vnd so  
 bald sie der Gott ersah/ gieng er ihnen  
 entgegen/ vmbfieng vnd herbet sie freud-  
 lich/ vnd redete mit ihnen von hohen din-  
 gen aus dem Gestirn vnd Firmament/ vnd  
 die Männer nahmen den Jovem mitten  
 zwischen sich/ neben dem Engel / vnd spa-  
 ziereten in ein sehr lustiges Thal/ welches  
 da genant ward Hiericho/ vnd zeigten ihm  
 Rosen/ so nimmer verwelken vnd blühen  
 zu allen zeiten/ die ihm sehr wolgefielen/  
 vnd dem Engel befahl er/ das er etliche ab-  
 brechen muste/ vnd der Engel hieß die blu-  
 men perpetua, vnd opfferte sie der Göttin  
 Juno auff den Brautstul/ vnd da sie spa-  
 zieren giengen/ das war bey einem sehr  
 tieffen stillstehenden Wasser/ welches ei-  
 nem ziemlichen Meere zuvergleichen war  
 in der größe/ da sahen sie heraus steigen  
 aus der Tiefe des Wassers einen Fisch/  
 mit einem Menschenkopffe / der hatte  
 zwene Schwänze/ vnd sahe einem Wei-  
 besbild

besbild ehlich / do sagete der Engel / es  
 were eine Wassergöttin / vnnnd nandte sie  
 succuba, die sprang heraus / vnd kämpffte  
 ritterlich / denn sie wolte den Jovem mit  
 sich ziehen / vnnnd ihndenselben vermahlen  
 lassen / das ersach ein Drach / welcher aber  
 die Höhe des obersten Poli durchflogen  
 hatte / vnnnd kam mit einem schnellen flöhe  
 dem Jovi zu hülffe / vnd entsetzte ihn ritter-  
 lich / stieß die succuba zu boden / das ihres  
 Gebeines nicht davon kam / darnach nam  
 er den Jovem zu sich in einen Pallast / der  
 da wol verwahret war / vnnnd da Jupiter  
 meinet / er were am allersicherste / so mach-  
 te der Drach ein Feuer / vnnnd führete ihn  
 mit sich oben durch die Feurmauer zum  
 obersten theil des Hauses hinaus / darob  
 zwar Jupiter sehr erschrack / doch ermahnet  
 er sich / vnd bleib auff der Zinnen des Pala-  
 lasts stehen / vnd besan sich / was ihm weis-  
 ter zuthun seyn wolte / damit er sich in seine  
 vorige Freyheit bringen möchte / denn er  
 die Junonem mit Liebe entpfangen hatte.  
 Wie die vier Männer dieses Unglück  
 vernahmen / weineten sie bitterlich / das ih-  
 nen die Threnen auff das Erdreich fielen /  
 vnd

vnd beschloffen einen Rath/wte sie allem  
 Unglück vorkemen / das Jupiter möchte  
 bewehret werden / bis er Hochzeit halten  
 möchte mit seiner Gemahl/vnd sandten ei-  
 nen Vogel aus / der hatte keine Beine / vnd  
 schwebete stetig in der Luft / der hatte lan-  
 ge Federn / die sich außbreiteten / das ihn  
 der Wind tragen konte / vnd derselbe Vo-  
 gel war aus den warmen Ländern von  
 Mittage / den heissen sie Astrasi, der mußte  
 Briefe wegführen / vnd viel Bawleute be-  
 ruffen eine Festung zu machen / darinnen  
 Jupiter möcht sicher seyn / vnd sie baueten  
 eine hohe Zinnen von Mawren / die war  
 aus dem Steine auffgeführt der Topa-  
 sien / darinnen Jupiter wohnen mußte auff  
 Erden. Diese Wohnung besah Jupiter  
 allein zwene Monat / da thet er sich herfür  
 vnd begerte Hochzeit zu machen / vnd er  
 schickte aus die vier Männer / vnd ließ  
 Kundschaft halten / wie Juno anzutreffen  
 were / es kamen aber ungleiche Proben ein  
 der Zeitung / denn ihrer etliche schlagen  
 nicht alreich zu / da macht sich Jupiter selbst  
 auff / das er das Land finden möchte / da  
 Juno innen wohnete / vnd es begegnet  
 ihm

Amrein wechzig staret Einhorn / das lieff  
 gerade dem Iove zu / reigete das Haupt /  
 vnd erzeigte sich als ein zeichen der Gnade /  
 darob sich Jupiter erfreute / in dem so sol-  
 gete dem Einhorn nach ein vberaus schöne  
 Jungfraw / die sahte sich nider für müdig-  
 keit / vñ das Einhorn legete der Jungfraw  
 ihr Haupt in ihren Schoß / vñ entlichlich /  
 vñnd wie Jupiter zusah / aefiel ihm die  
 Jungfraw sehr wol / vñnd ward gewar / daß  
 es die Juno war seine liebste Göttin / de-  
 rer er zu einem Gemahl begerete / vñnd Ju-  
 piter gab dem Einhorn Wein zu trincken /  
 vñnd Zucker zu essen / vñnd machte Freund-  
 schaffe zu ihm / daß das Einhorn ihm gne-  
 dig war / vñnd ließ ihm nachfolgen die schö-  
 ne Junonen / da er mit seiner Juno zu  
 Hause kam / bestaltten die vier Männer er-  
 nen andern Mann / der hieß Bar, der be-  
 trieff zu sich die zwölff Geschlechter seiner  
 Geburt / daß sie einen Beystand leisten zu  
 der Hochzeit / vñnd die vier Männer wa-  
 ren auch zur stad / der Engel Din hatte sein  
 Horn vñ die Posaunen / vñnd bließ wider in  
 Horn / daß das Volck hauffenweise zusam-  
 men kam / den verkündiget er die Wäkre  
 der neuen Hochzeit / vñnd begehrete ihr Ge-

bet/da fiel der ganze Umstand auff die  
 Knie/huben ihre Augen auff/ vnd ihre  
 Leffen seuffheten tieff aus dem Herzen/  
 da erschein eine Lorteltaube mit blawli-  
 chen Federn/vnd brachte Verlaubniß von  
 einem/der hieß Trinus, daß es nunmehr  
 vergönnet/vnd Zeit were/daß Jupiter ih-  
 me die Junonem vermahlen möchte/Tris-  
 nus war ein Herr vom Auffgang bis zum  
 Niedergange/vnd Trinus erbote sich der  
 Copulation. Da ward eine Anordnung  
 gemacht von den vier Männern/daß die  
 zwölff Geschlechter selbesten erscheinen mu-  
 ßten/vnd Jupiter zog an sein bestes Ge-  
 wand/vnd der Engel führete ihme die  
 Braut entgegen/da ward eine zierliche Re-  
 de gehalten von der Göttin Fortuna, die  
 der Junoni beystendig war mit tieffen Re-  
 den/die sie offte widerholete/vnd Juno hat  
 einen Unterrock vnter sich von silberfarb/  
 aber Jupiter ein Wamnest von rothen  
 Scharlach weich vnd geschmeidig/wie  
 mans an der Könige Hoffe zu tragen pfle-  
 get/Da es nun zeit war/kam der Engel/  
 brachte dem Jobi die Braut entgegen/  
 saß sie auff einen Stul/der war mit zin-  
 nerit

nern Füßen auffgefast/vnnd oben mit ro-  
 them Erz begossen/daran viel Bilder er-  
 haben stunden/vnd schenckte ihr die Rosen/  
 so er in dem Thal Jericho gebrochen hatte  
 zu einem Zierde vnnd Geschenck der Mor-  
 gengabe/vnnd die vier Männer führten  
 den Dreutigam zu der Braut/ in beysein  
 der zwölff Geschlechter/also bald trat Tri-  
 nus auch herzu/vnnd gab sie ehlich zusam-  
 men im Namen der Philosophischen Ei-  
 nigkeit/da ward ein Freudenfest gehal-  
 ten der Göttin Muria, das wehret zwey vñ  
 vierzig Tage mit Weßhalten/vnd alle/  
 was zur Herrlichkeit der Festlage gehörig/  
 vnd alles Volk war sehr frölich/vnd thet-  
 ten Brandopffer zurichten/vnnd schickten  
 sie in den Tempel Elix auff den Altar/da er  
 nun nach Himmel gefahren war auff sei-  
 nem feurigen Wagen/vnnd wie diß Fest  
 begangen war/lam eine Botschafft aus  
 Mitternacht/vnd brachte propheccy/das  
 Jupiter auch ein Herr solte werden der  
 Morgenländer/welche seine Erben besiz-  
 hen solten/zu einem Warzeichen schickte  
 ihm der Fürst aus Mitternacht ein Adeler/  
 darauffer sich setzen/vnd die Morgenländer

E ij

der

der vberschweben sol / den verwardt er  
 sehr wol/vnnd ließ sie fleißig warten mit  
 Speiß vnd Tranck/vnnd der Diener / so  
 auff ihn wartete/dem der Adeler befohlen  
 war/hatte einen ritterlichen Namen/vnnd  
 hieß auff deutsche Sprache/der Herr vom  
 Paradis / Jupiter konte dem Gesandten  
 kein Geschenke geben auff dismal zur ver-  
 ehrung wegen seiner Armut / sondern bat  
 vmb Verzeihung vnd dilation, daß seine  
 Kinder wol solches entrichten würden /  
 darob der abgesandte auch wol zu frieden  
 war / vnnd zog nach seinem Lande seinem  
 Herrn wider zu sagen / vnnd alles Hoffge-  
 sind scheid ab / so auff der Hochzeit war / die  
 zwölf Geschlechter zogen auch in ihre Hey-  
 mat / vñ die vier Männer warē nichts mehr  
 nütze zu der sache / so schwand sich der En-  
 gel Din hinweg / das niemand weiß / wo  
 er hinkommen / vnnd wo seine Geburt her  
 gewesen ist / aber Trinus hatte einen Sa-  
 men in einer Büchsen von Holz gedrehet /  
 den warffer zwischen die beyde Eheleute /  
 wüntschte ihnen Glück vnd Segen / sagte  
 sich auff einen Wagen / da giengen vier  
 Schwänen für vnd vier Löwen / vnnd fuhr  
 auch



auch davon/das Jupiter vnnnd Juno gar  
 alleine blieben. Da bauete Jupiter eine  
 Capelle in einen sehr dicken vnnnd grossen  
 Wald/der hieß Olia, vnnnd die Capelle wei-  
 hete er in der Ehre der heilige Königen vnnnd  
 Frauen Amicia, die eine Königin aus Pa-  
 lonfi war/vnnnd that viel gutes den Armen/  
 denn die Juno war nicht Nachgierig/son-  
 dern erbarmete sich jederzeit vber die dürff-  
 tige Menschen/da lebeten sie in grosser  
 Einigkeit beyssammen eine gute zeit. Vnnnd  
 wie sie in Einigkeit lebeten/da ward Juno  
 schwanger von ihrem G. G. vnter dem  
 Baum Hessa/ bey dem Brunnen Helin  
 im Thal der Heiligen/da viel heilsamer  
 Kreuter wachsen/zu der Gesundheit vnnnd  
 Auffenthalt des langen Lebens/vnnnd Juno  
 führete ein friedsam eingezogenes Leben  
 für vnnnd für/vnnnd viel heilige Leute besuche-  
 ten sie aus dem göttlichen Stamme / vnnnd  
 da sie befand die Zeit ihrer Geburt / betete  
 sie inniglich/das ihr Hülffe vom Himmel  
 widerfahren möchte/vnnnd was geschach/  
 die Fenster des Himmels theten sich auff/  
 vnnnd es gieng ein Weibesbild vor oben  
 herab/die hatte sehr scharffen Verstand /

die hatte Gott aus Vorsichtigkeitlein dahin  
 geordnet/die ihet Handreichung/das Ju-  
 no gebahren konde/vnnd sie gebar einen  
 jungen Sohn/der war frech im ansehen/  
 vnnd ein Panir führete er in seiner Hand  
 des rechten Armes/darauff stunden seltsa-  
 me Characteres,das man abfinden konde/  
 das Juno einen Kriegsheld geboren hatte  
 zur Welt/vnnd wie Juno den Sohn gebo-  
 ren hatte/ward sie erschreckt durch ein/Liz-  
 gerthier/das sie mechtig krank war/vnnd  
 in solcher Krankheit lag sie drey ganzer  
 Monat/da kam ein kleines Männlein aus  
 dem Geschlecht der Pigmeen,vnnd brachte  
 eine Wurzel/die man Apena nennt in  
 frembden Ländern/die schneid er klein/  
 vnnd goß Menschenharm darauff/vnnd gab  
 sie Juno zu trincken/denn sie kochte sie  
 bey dem Feuer/so bald die Juno den  
 Tranck vernam/so gebar sie aber ein an-  
 der Kind/das war eine Tochter/von weib-  
 lichem Geschlechte/das gab groß Streit  
 vnter den Gelehrten/wegen dieses Zwi-  
 lings/der Sohn hatte Kriegische Sitten/  
 der ward auffgenossen von dem Inwoh-  
 ner/vnnd sie nanten Martem, die Weiblich  
 che

che Frucht der Tochter ward von der Göttin Mira Venus genant/ vnnnd die Göttin Mira nam sie zu sich/ vnnnd zog sie auff in Bollüsten fleischlicher Begierde/ biß zu ihren Jahren des Alters/ da sie durch ein Testament alle ihre Güter oberkam/ durch solch Mittel ward Mars vnnnd Venus zur Welt geboren/ die regierte hernacher/ aber Jupiter flohe mit Junoni in das Gestirn/ vnd suchten ihr Haus/ wie der so Jupiter zuvor verlassen hatte/ vnnnd machten eine neue Ordnung/ wie oben zu herrschen were mit nusen/ damit Feuer/ Wasser/ Luft vnd Erden weiter bestehen mögen/ vnnnd diese Geschicht verließ sich/ das zwene tage darüber zubracht werde/ vnd der vierdte vnnnd fünffte Tag ihr Ende darüber beschloffen.

Das fünffte Capitel.

Wie Sol vnd Luna geboren sind.

**W**ie fünff Tage vorüber waren/ vnd der sechste Tag sich vermercklich/ durch Klarheit der Sterne/ kamen die Götter der Weißheit zusammen/ vnd berathschlagten sich einen Weg zu finden/

E iij den/

den/dadurch sie viel gutes aufrichten/vnd  
 einen immerwährenden Namen in der welt  
 verlassen möchten/vnd wurden einig/eine  
 schöne zierliche Stadt auffzurichten / da-  
 von alle Welt zu ewigen zeiten wüßten zu  
 sagen/Vnd sie erweleten vnter sich/vnnd  
 worffen auff vier Verckleute zum bawen/  
 darunter der vornembste hieß Solon, ein  
 fürtrefflicher Mann/vnd der gelehrteste A-  
 strologus vnter allen Göttern / der hatte  
 ein Circel/damit er seine Baw abmaß/der  
 lieff in die runde/das nichts daran mangel-  
 te/das zu viel oder zu wenig war / Vnd  
 der Circel ward gemacht von einem roth-  
 braunē Jaspis/vnd war also geforme/das  
 er sieben spizen hatte/vnd mitten ein run-  
 den Apffel / vnd wo er ihn hinwand / da  
 war er gerecht/vnd ein Winkelmaß/ das  
 war von Helffenbein/da theilet er mit ab  
 den Quadrangulum vnd die dreyspizige  
 Vergleichung ganz kunstreich / vnd die  
 Stadt war also abgeriffen / das sie kein  
 Wind bewegen konte/ Deñ wo der Wind  
 her streicht/vnd von welcher Ecken er kam/  
 hatte er seinen Abstoß/das er nicht hafften  
 konte daran / da theten die Götter alle zu-  
 sampt

sampt handreichung / daß die Stadt bald  
 auffgebawt wurde / die Mauer ward von  
 Diamant vnd die Dächer von Rubinen  
 auffgeführt / vnd wie Stadt aller fertig  
 ward / ward sie genant Diespiter / vnd mita-  
 ten in der Stad richtet man auff ein vber-  
 auß künstliche Seule / die war rund vnd  
 gewunden wie eine Schnecken / darauff  
 satzte man das Bildniß Apollinis, daß  
 man ihm Ehr erzeigete / das Bild war ge-  
 gossen von einem vnentlichen Erze / wel-  
 ches Tubal am ersten antruff / inwendig  
 war es holt / die Seule aber war von einem  
 Stein gemacht / so am Berge Libano ge-  
 brochen war / vnd wie Mars erfuhr / der  
 nunmehr ziemlich erwachsen war / daß die  
 Götter eine solche Stad zugericht hatten /  
 trachtete er darnach / wie er die Stadt  
 gewinnen / vnd sie beherrschen möcht /  
 derwegen machte er ihm selbst ein feur-  
 ige Schwerdter / die muß ihm Mulci-  
 ber helfen schmieden / vnd wie die Schwer-  
 ter fertig waren / schreib er in ein Land / das  
 hinder der Bildniß liegt / an ein Weib /  
 die hieß Adad, die solt nach Mittag zie-  
 hen /

E v

hen/ vnd ihm hülff zuführen/ die kam in ein  
 Land/ das hieß Sceno, da waren treffliche  
 grosse Riesen innen/ da vermochte Adad,  
 daß der Riesen drey mit ihnen zogen/ des  
 nen gab Mars jedem der feurigen Schwer-  
 ter eins/ vnd richtete ihn Flügel zu/ von  
 lauter Feuer vnd Lufft/ vnd zogen mit im  
 hin für die Stadt/ vnd wie sie dahin ka-  
 men/ vnd Mars vermeynet grosse Feinde  
 schaffe zu finden/ sihe/ da kamen ihm alle  
 Götter entgegen/ vnd wuntschete ihm gut-  
 chat/ vnd entffengen ihn sehr freundlich/  
 darob Mars erzittert für ihrer Gätigkeit/  
 daß ihm das Schwert zu der Erden sanck/  
 vnd verstummet/ vnd kondte kein Wort  
 reden/ sondern er demütigt sich/ vnd gieng  
 mit den Göttern nach der Stad/ denn alle  
 Thore waren ihm geöffnet worden. Da  
 wurden die Riesen ergrimmet mit Zorn/  
 daß sie die Stadt nicht stürmen durfften  
 mit gewehrter Hand/ vnd forderten ihren  
 Gold/ Mars aber gab ihn freundlich bes-  
 scheid/ daß sie widerumb heim ziehen sol-  
 ten/ denn er ihr auff diß mal nicht mehr bes-  
 dürfftig wer/ er wolte sie aber zu gelegener  
 zeit reichlich begaben/ da lieffen sich die  
 Riesen

Riesen weisen/vnd zogē wider in ihr Land/  
 da sie herkommen waren/ Mars aber ward  
 von allen Göttern ganz hehrlich beleetet  
 durch das Thor zu der Stad/vnd die Göt-  
 ter hatten sechs ander bestale / die trugen  
 ein Himmel zugericht von roten vnd weiß-  
 sem Sammet vber ihm her / der da mit  
 Gold/Silber/Perlen vnd allerley Edels-  
 gestein ausgefücht war / vnnnd eine grosse  
 menge der Guarda steff fornen vnnnd hin-  
 den/es trug ihm auch der Götter einer/mit  
 Namen Sirius, ein Schwerd für/vnd Phoebus  
 ein sonderlicher Gott/leitete ihm ein  
 fliegendes Pferd nach mit einer schönen  
 Fahne / darauff ward gemahlet ein Löwe  
 auff einer seiter/vnd auff der andern seiten  
 ein Pellican/den schwebete ein Phœnix v-  
 ber dem Hrupte/vnd in der circumferenz  
 stunden diese Wort: Elohim, Nezach,  
 Cerviel, vnd wie Mars mitten in der Stad  
 Gassen gieng/vnd beleetet war/da kam er  
 auff eine verborgene Fallbrück/vnd da sich  
 die Brücke nider gab/siel er hindurch hina-  
 der sich in ein tieffes Wasser/das man ihn  
 nie gesehen möchete/das Wasser aber roch  
 sehr vbel/vnnnd hatte einen Gestand / das  
 niemand

niemand darbey erwarten konte/ da ruff  
 Mars die andern Götter vmb Hülffe an/  
 da sandten sie einen aus/der ward Gerson  
 genant/der bracht eine Leiter aus Holz  
 gemache/ so auff dem Berge Olympi ge  
 wachsen war/vnd die Leiter hatte 7. Staff  
 fel/vnd jede Staffel hat 12 Elen/die trage  
 ten die Götter zusamen/vnd legten die Lei  
 ter an/welche an zweyē Harkē hieng/vnd  
 brachten mit Mühe vnd Gefahr den Mar  
 tem aus der tieffe des Wassers/so bald  
 Mars entpor kam/da kam ein weiser Vo  
 gel aus einem Lande/da jeso America lie  
 get/vñ brachte ein Wasser in einem durch  
 sichtigē Glase/das war aus einer Schlange  
 gen gemache/die sie allda Moly nandten/  
 von einer Göttin zugericht Narisa am  
 Bach Potina/der Vogel aber hieß Aspi  
 ser/damit wuschen sie den Martem ganz  
 sauber vnd schön/das sein Harnisch ganz  
 rein war/vñ glitzend wie ein Spiegel/vñ  
 führte den Martem also hin für ein grossen  
 Pallast/der mit lauter güldenen säulen  
 umbhenge war/vñ sihe wie Mars nah kam  
 dem Pallast/da gieng ihm entgegen die  
 Göttin Mira/so Vencrem erzogē/vnd bey

Hec



ihrer Hand führete/vnd mit ihr viel Jung-  
 frauen des Glücks / alle lieblich gezieret  
 mit köstlichen Kleidern vnd wolriechenden  
 Blumen/die Venus ward angethan mit  
 lauter Gold vnd Silber / vnd ihr Ge-  
 schmuck war mit Edelgesteinen gezieret /  
 Mars aber gieng in einem kalen Wam-  
 mest/das war auch mit Gold gefüttert/vn  
 seine Stiefel warē aus silber Leder gemache  
 da führte Miradem Marti die Venere zu  
 mit einem grosse gedöne der musica/dz lib-  
 licher in derwelt niemals war erhört wor-  
 de an jrgend einem Königlichen Hofe von  
 menschlicher stime/Instrumenten vnd von  
 gelgesäg/Diana trug der Venus vor eine  
 brennende Fackel vnd ein runden Apffel/  
 vnd hatte viel Kränze zuverschenden/auff  
 ihrem Hähpte / da stund ein Mensch auff  
 aus einem Grabe / der war lange zeit todt  
 gewesen/der war von den Göttern genant  
 Purus, der rieß aus vnter der Gemeine/dz  
 jederman zuschen wolt/ da trat einer vnter  
 den Göttern herfür/ der Silatromin hieß/  
 der nam den Martem zu sich / vnd gieng  
 mit ihm der Veneri auch entgegen / Mira-  
 kalte die Jungfrauen auff eine seiten/vnd  
 Sila-

Silatromin die Götter auff die andern seits  
 ten/vnter dem blossen freyen offenen Him-  
 mel/ daß jederman wol sehen möchte/da  
 stieg ein Bildniß aus der Erden/ das war  
 wunderbarlich anzusehen/hatt kurze Bei-  
 ne/ein langes Angesicht/mit schrecklichen  
 Augen/ vnd seine Arme waren lang/ ver-  
 ganze Leib aber reichte biß von der Erden  
 in die Wolcken des Himmels/ das Bild  
 hieß Lahel/ denn es kam erslich von oben  
 herab in das Erdreich/das trat hinzu/ vnd  
 fordert sie beyde allein/jedes insonderheit/  
 Vnd weil das Bild ehrwürdig war/ muß-  
 ten sie ihm beichten/ vnd nach der Beichte  
 gab dieses Bild die beyde zusammen/wel-  
 ches in einem Augenblick geschach/ vnd  
 worden hingeführet in ein Gemach/ da es  
 zugerichtet war mit dem guten Geruch des  
 Indianischen Balsames/ vnd jederman  
 lebte in freuden/ vnd weret die Hochzeit  
 zweene ganze Monat/ daß niemands sitz  
 Freude vnd Wollust zu bleiben mußte/das  
 Gemach war lauter Edelgesteine/vnd das  
 Brautbette von eitel silbern vnd güldenem  
 Stücken gemacht/ vnd die Nachtsackeln  
 waren zugericht von wolriechenden Ge-  
 wür

wärhen/ vnd liebliche Wasser waren auß  
 gegossen für die böse Luft/ vnd das Ge-  
 mach ward verwaret/ daß sie in zwey Mo-  
 naten niemands oberlauffen kondte / da  
 pflegten diese beyde zusammen der Liebe /  
 assen vnter dessen Adlers Fleisch/ vñ trun-  
 ken Löwenblut/ vnd hielten sich in der still-  
 le / waren verschossen / bis der Sommer  
 herbey trat/ daß alle Früchte verblühet  
 hatten/ da machte ihm Mars ein Fenster of-  
 fen/ vnd berieff die seinigen/ ob sie noch am  
 Leben weren/ da wurden alle Leute wach /  
 vñnd jederman wartet auff mit fleiß/ denn  
 sie hatten noch keinen Verdros erlitten/  
 vñnd nach diesem berieff Mars den Wäch-  
 ter des Pallasts bey seinem Namen / Helo  
 kom herzu/ vnd schleuß mir auff das Thor  
 des Gemachs/ denn ich bin allhier müde/  
 da war Helo willig/ vnd eröffnete die thür/  
 die sonst fest verriegelt war / vnd er gieng  
 heraus mit Venere seiner liebhabende Ge-  
 mahl/ vnd spaziert eine gute zeit herum  
 in einem wärmen Thal/ da brachen sie  
 Schwebelrosen vnd silberfarbe Blumen/  
 vnd wie sie der Rosen vnd Blumen genug  
 hatten/ da kam Mars/ vñnd danckte den  
 Göttern

Göttern ab/ daß sie heimlicheren möchten/  
 auch segnete er Purum Silatromin vnd  
 Mira mit weinenden Augen/ Zabel aber  
 ward gebeten/ daß er lenger bey ihm bleibe  
 möchte/ vnd in dem sand Mars einen groß-  
 sen Schatz/ den hatte Venus hiebvor in  
 den Berg Diacusto begraben/ den nam es  
 heraus/ vnd gab ihn dem Weibe Adad, die  
 mußte ihn halb behalten/ die ander Heiffte  
 aber solte sie den dreyen Riesen bringen in  
 das Land Secna, vnd ihnen solchen zum  
 Gold entrichten/ das geschach/ wie aber  
 die andern Riesen im Lande innen worden/  
 daß ihnen so ein grosser Schatz von dem  
 Marti bey der Adad waren geschickt wor-  
 den/ da schwuren sie zusammen/ vnd er-  
 schlugen Adad sampt den dreyen Riesen/  
 vnd wie man Aufbeute halten solte des  
 Schazes/ da wurden die Riesen vntersich  
 selbstn vneinig/ schlugen sich mit Keulen  
 von Eychen gemacht/ vnd mit hölzern  
 Hammern/ die waren sehr groß/ daß ein  
 solcher Aufruhr vnd Todschlag geschach/  
 daß viel tausent Riesen im Land erschlagen  
 wurden/ sampt Weib vnd Kind/ da wur-  
 den ihre Gebein zusammen gelesen/ vnd in  
 etnen

einen Berg begraben/der heiff Vulcanus,  
 da sie anfiengen vnnnd brennen mit Feuer  
 bis zu ewigen zeiten. Demnach lebte Mars  
 vnd Venus in guter Einigkeit beyhammen  
 etlich Monat/vnnnd die Venus gieng  
 schwanger/macht Speise von den silbers  
 farben Blumen/vnd kochte Getrânck von  
 den Schwebelrosen/davon sie vnnnd ihr  
 Mann sich nchreten/denn sie brauchten  
 sonst keinen andern Tranck/auch kein ans  
 der Speise/vnd lebten sehr wol ohn sorgē/  
 vnnnd es trug sich zu/das für dem Hause  
 Martis ein Getümmel entfund/vnnnd es  
 waren Feinde ins Land kommen/die lies  
 sen Lermen schlagen/das eine grosse Em  
 pörung gespüret ward/da lieff Mars vabes  
 dachtsam hinaus dem Lermen zuzusehen/  
 da ward er eilend vnnnd schnell mit vielen  
 Feinden ombgeben/die stießen ihn mit  
 Lanzen/vnd machten ihm ein hart Gebiß  
 ins Maul/das er nicht reden kont/vnnnd  
 wanderten mit ihm an das rote Meer/da  
 warffen sie ihn hinein/das er allda ersauf  
 fen muste/vnnnd nach dem er ersoffen war/  
 erhebet ihn ein mechtiger Wind heraus/  
 vnd führet ihn zu oberst der Region/da sein  
 D Pallast

Vallast war/da bleib er jimmer alleine/vnd  
 schlieff einen ganzen Monat/die Zeit v-  
 ber stund die gute Venus in grosser Trüb-  
 sal vnd Trawrigkeit/das sie ihren einigen  
 Herrn verlohren hatte durch Raub/von  
 dem sie schwanger worden war/Wie nun  
 Venus also mit Trübfall vmbgeben war/  
 kamen zwey Weiber zu ihr/die eine hieß  
 Lucifera, die ander Aurora, die waren ab-  
 gesand ihr zu warten/vnnd sie blieben bey  
 ihr 27. Tage/vnnd trösteten sie mit allem  
 fleiß/da beehrte Venus sehr früe für der  
 Sonnen auffgang/auff einem Seul/dā  
 legten sie Küssen auff von weisser Lein-  
 wand/vñ die Venus geriet/in schwachheit/  
 da schickten die Weiber hin zu einem alten  
 Doctor/hoch erfahren in dem Gestirn/  
 der hieß Nithora/der richtete einen Trancē  
 zu von einem mechtigen Kraut/so nach  
 Auffgang der Sonnen gefunden wird/  
 das nandte der Doctor in seiner Hebrei-  
 schen Sprach Amor, der Trancē war weiß  
 wie Milch/vnnd so bald sie den Trancē zu  
 sich nahm/das er bey ihr erwärmete/denn  
 ward es mit der Veneri besser/vnnd gebar  
 eine Tochter/die hatte ein Zeichen mit am  
 Ange-

Angesicht/vnd sie gieng nach einem Mo-  
 nat/da ward ihr wider wehe in ihrem Lei-  
 be/ da schickte sie aber zu den alten Arzt/  
 der nam darnach die Wurzel des vori-  
 gen Krauts/vnnd bereitete einen andern  
 Trank daraus/welcher roth war wie  
 Blut/den trank die Venus, vnnd so bald  
 gebar sie nach dreyen tagen widerumb ei-  
 nen Sohn/irdlicher Gliedmassen vnd vo-  
 berans schönes Angesichts/vnd seine Au-  
 gen waren so klar/das Menschen Augen  
 nicht vermachten dieselbe anzuschawen  
 noch mit ihrem Gesichte zuoberwinden/  
 vnd es war grosse Freude in der Welt bey  
 allen Göttern/vnnd wie die Geburt zur  
 Welt erschienen war/sandten die zwey  
 Weiber/Lucifera vn̄ Aurora einen stiege-  
 den Boten aus/das war ein Knabe/den  
 sie am Gestadt des Wassers funden/der  
 nandte sich Avonanob, der flohe hin mit  
 Brieffen/die waren mit rothen Buchsta-  
 ben auff einen weissen reinen Boden ge-  
 schriebē/in Chaldaischer Schriftloch in  
 die Luft/vnd brachte dem Marti die Zei-  
 tung seines Gemahls/da begabete Mars  
 den Knaben mit gutem Botenbrod/vnnd

gab befehl/das̄ zwene abgefertiget wurden  
 hierunter ein Mann vnd Weib/der Mann  
 war ein geistreicher Ritter / hieß Posinus,  
 das Weib ward Scilla genant/die fuhren  
 herunter mit dem Knaben /vnd besuchten  
 die Venerem, vnd gaben den Kindern Na-  
 men/den Knaben hub der Ritter auff in die  
 Höhe / vnnnd hieß ihn Solem, denn er solt  
 Leuchtung geben/vnnnd ein Herrscher wer-  
 den der ganzen Welt. Die Scilla aber hieß  
 die Tochter Lunam, denn sie solte gehors-  
 samē/vnd vnterthenig seyn ihren Bruder/  
 vnd sie blieben bey sammen/bis̄ Sol vnnnd  
 Luna verständig wurden/darnach verlies-  
 sen sie diese/als den andern Zwilling / so  
 da geboren war/vnd Avonanos bekam von  
 der Venus auch ein Geschenk/das̄ er gute  
 Zehrung haben konte/Posinus vnd Scilla  
 aber namen Venerem nach dem Kindels  
 bett/da bestalte ihn Jabel einen Wagen/  
 darauff fuhren sie geschwind davon/ vnnnd  
 Jabel brachte sie für dem Pallast/da Mars  
 innen war/der nam sie auff in sein Haus/  
 vnd Posinus vnd Scilla auch danckten ab/  
 wie sie Venerem vberlieffere hatten ohne  
 Speiß vnd Tranck/vnd lieffen Marti sein  
 Gemahl



Gemahl wider vber. Also war Sol vnd Luna darrach Reaenten der Welt nach ihrer Geburt / die lebten in grosser Einigkeit / vnd theilte aus ihren Dienern mechtig Reichthumb in allen Ländern / bis sie auch widerumb abgeforders worden / in die Höhe ihrer Wohnung. In dieser Zeit war der sechste vnd siebende Tag vergangen / vnd die Weisheit hatte ein Ende in der ersten Welt / vnd es kam vnd fieng an eine neue Weisheit zu regieren in der andern Welt

### Das sechste Capittel.

Wie Sol vnd Luna eine zeit bey sammen blieben / vnd beschlossen / zu hinder lassen einen vnvergenglichen Namen.

**W**ie dieses alles vollbracht worden war / vnd Sol vnd Luna das Regiment fuhreten / da sahen sie / das auff Erden alle Bosheit im schwang gieng / vnd gedachten durch ihren Rath ein Gedächtnis zu machen / das sie hinder sich verlassen möchten / denn weil sie Manbar worden waren / gedachten sie die Welt zu verlassen / vnd in ihr Haus der Höhe einzufehren /

kehren / welcher Luft der obern sie besser  
 den der vntern gewo:let war / vnd als bald  
 waren viel Diener da / die Rath zu dieser  
 sachen gaben / vnd hulffen trewlich / vnd  
 sie beyde zogen ihr beste Gewand an / vnd  
 schmückten sich zum herrlichsten / denn sie  
 waren willens genzlich / eine neue Nochs  
 zeit anzustellen / da ward ein Bad zuvor  
 zugericht von dem alten Enolos, darinnen  
 wurden viel trefflicher guter Kräuter ge  
 tragen von den Weibern / so vnter dem  
 Horizonti Draconis wohnten / vnd ein  
 alter Mann hieß Ursus, der trug Wasser  
 zu / denn beyde Hände waren ihm gerecht /  
 vnd ein Löwe trug ihn zu Tranck / das sie  
 sich in der Hise erquicken möchten / den  
 Tranck hatte der Löwe zugericht aus seinē  
 eigenem Blute / vnd Herksterkung ward  
 ihnen gereicht aus Marcipan / so von einē  
 Himmelbrod gebacken / des weissen Bluts  
 des grünen Löwens / wie sie das zu sich ge  
 nommen hatten / so schickte der Sonnen  
 Mutter herunter zwens Geister / einer hieß  
 Vrfa, der ander aber splendor, die namē sie  
 beyde aus dem Bad / vnd fähreten sie nach  
 dem

dem Himmel/ da empfiengen sie drey En-  
 gel/die wurden genandt Somy, Haly vnd  
 Fmy, die richteten ein warmes Bette zu/da-  
 rinnen sie Solem vnd Lunam legeten/ vnd  
 das Bette ward vermacht/ das keine Luffe  
 sie anwachen kondte/vnd wie sie am besten  
 lagen/da kamen Diörder des Lands/ deren  
 warẽ zwere/die konten fliegen wie andere  
 Vogel/der eine hieß Schin, vnd der ander  
 Chiro, die heraubeten diese beyde aus dem  
 Bade/vnd fuhreten sie auff einen sehr ho-  
 hen Berg/da machten sie ein feuer/vnd  
 wurffen diese beyde darein/vnd verbrand-  
 ten sie nackend mit Holz von Solu zu As-  
 schen ganz vnd gar/da namen die Um-  
 ständer die Aschen/vnd begruben sie in die  
 Erde am Gottes Acker/welchen Silon ge-  
 hawet hatte/zu einem Begräbnis der Pils-  
 ger/vnd sihe drey Tage lag die Aschen in  
 der Erden vnd nicht lenger/da kamen vier  
 Thier gekrochen/eines aus der Erden/das  
 ander aus der Luffe/das dritte aus dem Fe-  
 wer/vnd das vierdte aus dem Wasser/vnd  
 bliesen in ein Rohr/ da erhuben sich die  
 toden Körper/vnd rotes Blut floss aus ih-  
 rem herzen/das strichen sie ihnen in ihrem

D iiii Mund/

Mund/ vnd ungefehr kam ein schlimmer  
 Esel/ vnd tranc des Blutes von den tode-  
 ten Leichnamen/ da starb der Esel also bald  
 de/ vnd lag ein Monat begraben in der Er-  
 den/ darnach wuchsen ihm Hörner in der  
 Erden/ vnd er ward verwandelt in ein le-  
 bendigen Hirschen in der Erden/ vnd die  
 Hörner waren von lauter Golde/ die hat-  
 ten viel tausend vnzehlich ende vberkom-  
 men/ vnd wie der Hirsch das Liecht er sah/  
 daß er lebendig war worden/ da lieff er für  
 fremden mit seinen güldenenen Hörnern in  
 einen grünen Wald/ der war so weit vnd  
 groß wie die ganze Welt/ vnd es stalten  
 ihm nach vnzehlich viel Jäger/ ihn zu fa-  
 hen/ vnd leufft auch noch im Walde/ daß  
 ihm die Jäger nachstellen bis auff den heu-  
 tigen Tag/ vnd wie der Körper also noch  
 todt lag/ da kamen drey Engel/ vnd hatten  
 drey Balsam in Krügen/ damit strichen  
 sie an den todtē Leichnam/ da regte sich der  
 Leichnam/ vnd kam in ein außschuß von  
 den vier Personen aus den Elementen/ der  
 war allein/ vñ war der sünnst von vierē auß-  
 gangen/ vnd diese einige Person nam Del/  
 Wein vnd Fleisch/ vñ gab dieses den Kör-  
 pern

pern zu erinckē/ vnd ließ sie darauff ruhen /  
 da entzünd sich ein innerlich lebendiger  
 Geist in den Cörpern selbstē/ vnd machte  
 einen bewegenden Wind / der die Cörper  
 auffnahm/ vnd führete sie in die Höhe des  
 Firmaments / da die andern ihre Gesel-  
 len auch wohneten.

Da besaßen sie ihr Hauß / vnd herr-  
 scheten vber alles / dem Hirsch ward aber  
 solche Krafft vnd Tugend verlassen / wer  
 aus seinem Herzen ein Blutströpflein  
 bekommen köndte/ daß wird frisch vnd ge-  
 sund von aller Krankheit / vnd kein Gue-  
 nach Reichthumb mangel ihm allhier /  
 weil Vulcanus noch Odem hat durch sei-  
 nen feurigen Geist/ dassetbe gar zukochen/  
 vnd eine Geisliche Speise darans zube-  
 reiten/ das war also ihre Verlassenschafft  
 ihres vordraenglichen Namens.

Dem höchsten Gott im Himmel  
 sey Lob vnd Danck gesaget für seine  
 Weißheit/ vnd daß wir solche recht  
 mögen gebrauchen/ vnd in ewigkeit  
 als die höchste Verlassenschafft erken-  
 nen vnd behalten/ Amen.

SOLI DEO GLORIA.

D v

Initium.

*Initium sapientie est timor Domini.*

Nun wird hernacher gesatzt die Tafel/darinnen der Anfang / das Mittel vnd das Ende / als der rechte warhaffte Grund aller Philosophischen Weisheit begrieffen ist. Darinnen die höchste Arzenei zur Gesundheit/langwirrigem Alter vnd Reichthum menschliches Lebens kürzlich vnd summariter begrieffen ist.

Anfang/Mittel vnd das End/

Steht alles nu in Gottes Hand /  
Gesundheit/ Reichthum vnd langes  
Leben

Kan er allein vns alles geben.

Der allmechtige vnd ewige Gott/dessen anfang kein Ende hat/vñ dessen Weisheit von anbegin gewesen/vnd von ewigkeit herrühret/hat aus seinem vnerforschlichen Rath geschaffen Hünel vnd Erden/vnd alles was darinnen begrieffen ist/sichtbar vnd vsichtbar / wie das Nahmen haben kan oder mag/aus nichts/denn aus außgegangener Krafft/welcher durch ein einiges Wort alles vollbrachte/was die Göttliche Weisheit durch ihr Gottliches Wesen im ewigen Rath beschloffen hatte/vnd das Wort *h e s F I A T*, diesen nach hat Gott hinförder der Natur/dadurch sie ferner wirken/sich mehren vnd generiren kan / eine natürliche

irliche Geburt vnd Zusammenfügung gegeben/  
welche durch Wirkung vnd Hülffe eines des ande-  
ren alles geben.

Welches nu herkömpt aus einer

Himlischen Influentz vnd In- gression elementischen opera- tion vnd Wirkung irrdischer Substanz vnd Wesen.	} Aus welcher ver- mischung ent- springe demnach die Elementa-
---	---

Als Was- ser / Luft / Erden	} die gehören denn durch Hülffe des Feyers / welches in diesen drey Ele- menten als ein Accidens für das vierde zu rechnen / heimlich verbor- gen liegt / durch siedige warme zu- sammenfochung.
-----------------------------------	---

Ein Seel Ein Geist Ein Leib	} die gehen denn durch die Copulation	} in einen Mercurium, in einen Sulphurem, vnd in ein Sall.
-----------------------------------	---	--

Diese drey zusammen gefaßt / geben ein-  
perfect vnd vollkommen corpus, es sey  
auch was es wolle / vnd wie es die Natur  
erfordert hat / vnd sein Same von G. G. G.  
angeordnet ist.

Nit

Nu sind alle ding der ganzen Welt  
getheilet in drey Stücke/die wer-  
den genant.

Animalia, Vegetabilia vnd Mineralia.

I. Die Animalia begreifen vnter sich  
alle Thiere / Menschen / Gewärm / Fi-  
sche / Vogel / vnd was derselben Art zuge-  
than / von Fleisch vnd Blut herkommen /  
vnd einen lebendigen Odem hat.

II. Die Mineralia begreifen vnter  
sich alle Metallen / Erz / Manthesir / Ro-  
bold / Zalch / Zinken / blenden allerley  
Kieß vnd Steine / sie sind edel oder vn-  
edel / vnd in summa alle Mineralia, vnd als  
le das Geschlecht / das denselben zugehöret  
vnd anhengig.

III. Die Vegetabilia begreifen in sich  
alle Bäume / Wursel / Kreuter / ihre Sa-  
men vnd Früchte / auch was von ihnen  
herkömpt / oder kommen mag / nichts auß-  
geschlossen.

In diesen drey stücken nu ist alles mit  
begrieffen / was in der ganzen Welt ist.

Nun haben die Animalia ihren sonder-  
lichen Samen / welcher ist einer Sperma-  
[tischen



tischen Substantz vnd Wesen von einer  
piluitischen Eigenschafft/so Fleisch vnd  
Blut geben/zusammen gefast /welches  
ist seine prima materia vnd erster Same/  
durch himlische Influssung aus den E-  
lementen von Gott geschaffen/gegeben vñ  
gewircket worden durch die Natur.

Die Vegetabilia haben ihren Samen  
auch sonderlich von Gott nach ihrer quali-  
tet, Form vnd Eigenschafft/welchen Sa-  
men ihn der Schöpffer reprimirt hat/vnd  
von einer himlischen vnd syderischen In-  
fluens vnd Elementischer Wachung vnd  
zunehmung / von oder aus dem Erdreich  
fruchtbarlich empfangen/vnd dadurch zu  
geben/ferner angeordnet worden.

Die Mineralia haben nu auch ihren era-  
sten Samen von Gote empfangen / wel-  
cher Same nu seinen Origenem hat aus  
dem Gestirneen Himmel durch die Him-  
lische Influssung vnd syderische Impressi-  
on, aus einer liquorischen lufftigen sub-  
stanz durch einen Mercurialischen Geist  
vnd Sulphurische Seele/mit zuthun des  
irdischen Salzes in ein perfect vnd voll-  
kommenen corpus gefast vnd ingangen.

Sol

Sol nun dieser Geschlechter eines zu weiter fortpflanzung vnd augmentation oder mehrung kommen/ so müssen sie widerumb in ihren ersten Samen vnd prima Materia gefakt werden. Als so du die Metallen verändern/vermehrten/ vnd zu einer Tinctur oder Lapide Philosophico bringen wilt/so mustu die metallische vnd mineralische form / erstlich durch die Kunst der Alchemerey wissen zu separiren/solbiren vnd auffzuschliessen/nemlich / daß das corpus, durch die solutio, coagulatio, sublimatio, calcinatio, reverberatio, vnd dergleichẽ widerumb aus seiner corporalischen form gebracht werde.

In einen

Mercurium } die müssen also separire vnd ges  
Sulphur } scheiden werden ein jedes in son  
vnd Salem. } derheit.

Dieses gehet nun anders nicht zu/ denn den Mercurialischen Geist vnd sulphurische Seele sampt dem weissen Salz widerumb durch die spargirische vñ Alchemistische Handgrieff in eine liquorische lufftige substanz bringen / welches nichts anders denn ein philosophisch Wasser/ in welchem

welchem alle Elementa/vnd zu foderst alle  
 hümische/dennach elementische vnd ir-  
 dische qualitates/beschlossen vñ verborgen  
 liegē. Den der mercurialishe Geist ist kälte  
 vñd feucht/so ist die sulphurische Seele  
 warm vñd trocken/vñd ist solcher Liquor  
 den die rechte prima materia vñ erste Sas-  
 me der Metallen vñd mineralien/welcher  
 liquor, so er nach philosophischem brauch  
 mit seinem ferment zusamen gefaßt/vñnd  
 durch des Vulcani Kunst zu der Plusquam-  
 perfection in eine fixe medicin bracht/der  
 ware Lapis philosophorum geborē wird.  
 Dieses aber soltu nun mercken zum Ende  
 vñd Moral dieser Tafel/das alle Mines-  
 ralien vñnd Metallen eine einige Mate-  
 rien haben/daraus sie geböhren sind/vñd  
 wer solchē recht kent vñnd in acht nimpt/  
 dem ist nicht nötig/die Metallen so weit in  
 zerstörung zubringen/vñnd durch die Ele-  
 menta zu iustificiren/vñd ihr erstes wesen  
 der Wurzel zu suchen/sondern es wil eis-  
 nem jeden/so der Weisheit anhenget/vñd  
 zu lieben begereet/alleine obliegen/demsel-  
 ben güldischen Magneten nachzuforschē/  
 das er ihn recht erkennen möge/so wird er  
 solches

solches in einem einigen Dinge/vnd in ei-  
ner einigen Materia dieselbe Wurzel fin-  
den/das vnter hundert tausent schwerlich  
einer solchs glauben wird/dieweil die rech-  
te Wurzel vnachtsam/dem Volck für ses-  
henden Augen vnkentlich /vnd ohne viel-  
feltige erwiesene Proba dem Menschen im  
finstern verborgen ist/deñ die ganze Welt  
sihets vnd kennets doch nicht.

Gott gebe Liecht vnd Schein dort zu  
der Himlischen ewigen Klarheit / vnd in  
dieser Welt Weisheit zu der  
irdischen Verstandniß  
zu allem guten.

L A V S D E O.



ie  
ns  
ch  
h  
se  
el  
in  
el  
  
zu  
in





Ra 478

ULB Halle

3

004 101 464



56


WPA

M









Farbkarte #13

B.I.G.

7  
 ULTA PHL  
 OPHIA.  
 Oder  
 a der heim-  
 ergeburt der sie-  
 nd Metallen / Fra-  
 ini, Benedicter Dr.  
 r Taffel der ganzen  
 ischen Weis-  
 eit.  
 dem mal in Druck  
 rreiget/  
 Durch  
 lden, Hessum.  
 pels/ im Jahr 1611.

*Handwritten in blue ink: Ra 478*

